

Ein MagenArzneij /

Oder

OLEVM STOMACHALE
VENERIS ET MARTIS.Eine Weise den Vitriol ohne Corrosiv auß der
Venere vnd Marte zubereiten.

Die ganze Kunst beruhet in dem / daß das Metall durch den Sulphur oder Schwefel recht vnd wol werde calcinirt.

Nimb desß in Blech geschlagenen Eysens oder Veneris (dannes ist ein Weg mit allen beyden) wie viel du wilt / laß in Stück eines halben Thalers breit zerschneiden / mit puluerisierem Schwefel eins vmbß ander oder stratum super stratum in einen Tiegel legen / denselbigen wol verflecht zu dem igne Kotæ setzen / jedoch also / daß das Feuer den Tiegel erstlich nicht berühre / sondern mach dasselbige je länger je näher hinzu / vnd allgemächlich grösser / biß der Schwefel werd enkündt / so werdē die Blech in einer einzigen Stundt calciniert. Wann nun alles kalt worden / so nimb die Dunkelaschenfarbe materiam, so sich einem gebrannten Erß vergleicht / heraus / laß dieselbige puluerisirn / vnd durch das Sieb lauffen / setze sie in einem offenen vnerglasurten Hasen nach der quer (wie bey der Präparation desß vtri Antimonii geschicht) ober ein Kohlfeuer / damit sie nicht verschmelze vnd der Vitriol in dem Kupffer verschwindt / so wirdt der Schwefel enkündt oder euaporirt. Alsdann beweg es mit einem eysernen oder Kupffernen Instrument / wie man bey dem Vitriol zuthun pflegt / von einer Seiten zu der andern / vnd wann es an dem Eysen will anhangen / so istß gnug vnd Zeit / daß mans vom Feuer hinweg nemme. Diesen puluerisierten Calcem veneris lege alsdann auff die Wage / vnd thu zu einem jeden Pfundt derselbigen 3. loth Schwefel / misch wol vnter einander / rühre in einem Hasen bey einem linden Feuer ein viertheil Stundt wol vnter einander / biß der Hasen endlich gar glüend werde. Das Kupffer wirdt so weich / wie ein Teig vnd hängt sich an dem Eysen an. Wann es kalt worden / gestossen vnd durch gereitert / so thu widerumb zu einem jeden Pfundt 3. loth Schwefel / laß wie zuvor ein viertheil Stundt calcinirn / vnd solches alles fünff / sechs oder sieben mal widerholen / so ist die calcina-